

養素堂文集

養素堂文集卷二十七

荅威張 澍介侯

墓表

誥贈奉直大夫晉贈中憲大夫王西園先生墓表

嗚呼此吾西園先生之佳城也先生以碩學穆行阨於邇
未克章達以殫其才卒育良嗣爲國宣勞榮膺

褒贈含笑黃墟傳所謂有德者必有報其信然乎先生諱
繼謨字丕文又字西園昆季二人序爲伯繼世父敬宗公
嗣世父母卽世早不及養所恪奉者本生父母也性至孝
侍膝下先意察色盡力樂心夔夔孜孜二老欣然與弟允

若友愛翁和無閒其被分甘怡怡如也顧嗜讀書焚膏映
雪擘精不勸嘗詣郡豐登書院從周蓮谿學雅重之謂曰
子文有根柢氣體寬博大器也入庠後益攻苦凡經史諸
子百家之書皆手鈔之提要鉤元畧不少輟四方知名士
咸樂與敷衽嘗以歲時抵舍縱譚今古人文酒酣耳熱賸
詩言志輒數曰不去而韓城王惺園相國寧州王檢齋司
寇尤以文章相知好名在伯仲閒二公既顯貴先生獨艱
於遇庚辰秋闈業中額以微疵見遺壬午薦不售癸酉選
拔貢乙酉復薦仍擯落自此侍養高堂不復遠出館鄰邨
呂氏宅生徒曰進復時時溫尋舊業丙戌遭父喪哀毀幾

損性飾終之礼慎密周詳明季戊子先生以降服服闋勉
赴秋塋猶冀獲雋以慰親心詎喪父之後繼丁母憂痛鉅
創深而成劇疾遂以不起厥配党恭人生子二長夢蘭次
楠方孩提而党恭人歿續娶張太恭人大荔名族也幼端
淑通曉大義年十七于歸相夫以敬事尊章恭順治家勤
儉撫前子如已出越七年而庭蓂生又數年而先生捐館
太恭人顧孀環侍義不可以從殉也乃躬自刻苦勸其
子以力學修脯膏火之需屢脫簪珥以給之叔氏不善持
籌售良田過半有勸以分析可少畱先人遺業者太恭人
迭謂諸子曰我家十餘年來一門和睦築里無嫌姪子女

皆我所平曰撫視者一旦各繫情實不忍且非汝父心苦則同苦耳汝等果能奮志讀書出人頭地則我願足矣厥後庭薨舉甲寅鄉試己未成進士分隸兵部觀政恭逢

慶典

誥贈先生爲奉直大夫恭人爲太宜人旋太恭人就養京師督理家政端緒豐如以楠歿遂返里勤劬瑣務如曩時癸亥甲子歲連歉邨人多鬻妻子以謀旦夕者太恭人輒給與升斗俾仍完聚丙寅以後大飢斗米千餘錢有司設粥廠救荒並諭紳民有力者隨地施粥太恭人數以銀米付邨東粥廠全活無算大吏旌其門庭薨補職方司主事

太恭人以書戒之曰爲官須勤慎供職不可躁進有失士
君子品又曰官想不貧便非好官薦紳大夫聞者咸噬臍
以爲知大體既而庭蓐游升員外郎中遷御史授江西建
昌府知府循聲遐播豈非勸教之驗乎乃遽於嘉慶九月
卒附葬西園先生之塋嗟夫士君子舍和蘊璞宜騰驤于
時出所學以理物乃竟蹇偃不偶賁志以終詎不賴有賢
子孫哉先生雖沈淪而庭蓐能象賢以顯揚此天之所以
報潛德也余故揭其梗概以表之于阡

贈贈朝議大夫允若王君墓表

王君諱某字允若現任直隸保定府知府庭蓐之叔父也

賤性恂謹幼從其兄西園先生學循循規矩奉若嚴師繼從豐登書院山長蓮谿周先生受業先生器重之曰爾與兄聯璧也拾青紫何難當是時厥考翁年邁食指浩繁歲入不敷君慨然曰讀聖賢書所學何事今父初錄子乃窳逸情何以堪於是屏當璫銳以計術跋涉吳越獲有贏餘以奉甘旨而西園先生亦得以專壹於學書曰遠服賈用孝養厥父母厥父母慶君之謂也既而父母先後謝世君哀毀柴土自舍殮至紼謳竭情盡礼論者韙之其事兄也因心篤慶孔懷急難不啻如事父焉何西園先生歿遺孤弱小君鞠育恩勤同於所生時誡之曰余家自先世

以耕讀爲業列蠶序者代不乏人汝父雖以選貢終而有聞於時今家道淪替余自肩承汝等其益益晉於學無以家事縈慮以故子姪皆敲厲矜憐分陰夢蘭入庠有聲庭塾捷南宮皆君督責所致也在簪瀝世盧毓二兄喪亡養育孤子以學行稱魏之山偉兄亡撫寡訓孤恩義甚篤不私產業君之制行庶幾似之且性好施與遇里卹貧困不恡罄囊之欣嘗曰吾先世如此安可及余身而廢之其篤厚也如此君既卒歲在丁丑庭蓼蒙

恩簡放江西建昌府知府恭逢

萬壽覃恩乃呈請

貤贈君朝議大夫妻李氏貤贈恭人所以報君教養者至矣而庭蓐猶時時念之若歉於懷者余以爲君之行誼是可表也遂摭實書之以爲世勸

勅封文林郎晉封奉政大夫隆德縣儒學訓導謝君

暨 誥贈宜人陳太君墓表

代王春浦尙書

君諱鏊字文三別字雲峯涼州府鎮番縣人謝姓始祖天眷由歲貢任靈夏府學訓導二世祖奇學由父生中式前明丙子科歲舉任山西大同府守備有名魁者舉順治庚子科莖鄉試任湖廣長沙府千總所在簪莖績君之高祖也曾祖黃中庠生祖元亨其本生父宗孔字子希亦庠生

以孫貴

贈贈奉政大夫母李宜人

贈贈太宜人生子三伯鯁季鯁皆庠生君其仲也君幼繼叔父維祺公善事之不異所生友于兄弟推財讓產宗仰稱焉君邃學術蒞事有才幹他人視爲盤錯者君批鱗導郅如庖丁解牛中桑林之舞而性愛弘獎以扶植後進爲懷隨材提飾感受裁成不問東脯皆令坐春風而雪其太教育者雖蘇湖條規無以過也尤重行誼以佻達爲戒嘗舉朱子小學諸則爲之訓迪是以從遊者化喬僊而歸彬彬爲文博大昌明掃浮廊巍瑣之習一時掇巍科皆素

承其指授者邑舊有蘇山書院旋興旋廢君謀諸邑令偕同志捐貲廣設義田供師生膏火費遇有寒畯輒推解資助俾竟其業成就者甚眾

高宗純皇帝辛卯奉

命主陝西鄉試君之冢子葆齋獲售揭曉來謁因得悉其家世及君之行誼丁未奉葆齋蒙

恩旨挑發山東以知縣用歷署劇縣有名跡後補安三令凡所以厲士撫民者一本諸庭訓大府以爲能舉治行弟一時君迎養官署猶頻頻誠勉恐拂百姓有孤

朝廷恩歲庚戌恭逢

萬壽璽恩 勅封文林郎晉封奉政大夫配陳氏贈孺人
晉贈宜人適值縣弧之辰邑士大夫暨庶民咸稱觥爲遐
耆祝君則慊慊如不勝葢秉謙服凡其天性也越二載西
歸家居頤性接物以和不激不隨解紛排難鄰閭賴之平
雖耄猶曰手一編以自娛時與名流相接酒酣耳熱抵掌
論文上下古今縱橫博辯洪河壯浪一瀉千里四座爲傾
君則掀髯徐理疑竇白馬羶雞飛詞如雲其豪上如此當
君選廣文時歐友咸勸駕君則曰吾豈以苜蓿盤易吾志
乎而何人之不可策鏃乎因謝去不出督課子弟昕夕靡
暇營人楹書教子櫛研貽孫君之以遺經傳後庶幾似之

戊午歲長孫集成舉順天鄉試歸省族友趨賀

紫綽在堂君精神矍鑠持觥喜溢絲竹要眇竇朋動色咸

以爲積善之報云嘉慶五年正月二十三日以微疾易簀

距生於康熙五十六年正月二十六日享年八十有四配

宜人名家子嫻內政順於尊章惠於宗族其事詳載別紀

以合葬故得並書有子三人長卽葆壽任山東青州府安

丘縣知縣次葆訓增廣生次葆春庠生孫十人葆壽出者

二集成中順天戊午科舉人集梧優廩生葆訓出者四集

慶集灝皆增廣生集祉集美業儒葆春出者四集祐集統

集鸞集璋均業儒曾孫五俱幼所謂能世其家者因爲表

之而并書其名於石系之以辭曰嗚呼此白亭謝仲之墓而以德配祔

誥封忠德騎尉茂等李君墓表

君諱芍字茂等陝西鳳翔府岐山縣人李姓祖竇有隱德不仕父文徵業農以長者稱于鄉里君幼而岐嶷不好弄讀書穎悟有慧心時出一解爲宿儒之所未及塾師甚器之洎童子試屢躋顧爲文益奇卒艱于一遇乃棄去噓曰經明行修博上第服官食祿天庾以遂顯揚學人之志也卽不能從事南畝塗圯沾體雖則劬勞常依膝下奉薦滫澠古之人有行之者吾何必爲腐儒乎遂服耜課晴雨不

辭夏畦之病時市甘鮮以頤二人親族稱焉嘉慶八年以子貴

勅封爲荃德騎尉職黨赴賀咸以爲茂德之所致君則嘽然顧萬年曰吾家世寒微今得蒙

朝廷恩汝其祗敬厥職無負

國以爲鄉閭蓋以故萬年服官謹操守不妄取尤矜恤士卒戎行多謳歌之所交多知名士蓋皆稟君之訓也君有弟二仲曰秀梅次曰煥梅君愛之甚飲滄與俱不忍須搖離雖妻肱其被不昆逾也于十二年四月二十四日以微疾易簀距生于乾隆四年六月二十三日享年六十有八

娶梁氏無子次娶張氏再娶王氏皆先君卒張氏生子一
即萬年現任督標前營守備王氏生子二萬枝萬盈系以
辭曰

惟君德闕不以揚知君後嗣必保大以昌予謹書其文于
墓石之陽曰時李君之藏

誄

馬素軒文彬貢士誄

有序

夫蒙曹豔汜經折而益曜霜芒徹尾流膏遭碎而猶騰虹
氣何者萬辟千灌粵藻自繁五穀十區理孚兼勝矧乃性
情準諸律秣弗尙摸蘇圃眎得其柢繩未嘗踰萬而復聚

沙墮教縈帶草於不其仰屋簷書集雀鰓於講舍一旦塵
蠹蝨簡洄掩謨觴響穿蝸綴魂歸梁甫能不鬱懷填肌躑
躑青烏之墳悲緒盈衿裴裒丹旄之路哉繫惟素軒先生
吾里之宿儒也志尙通亮操履約清秉德而不厭仁含龢
又以厯信采蘭鄂棣艷艷於庭闈斂衽整巾翌翌於戚受
經繭狗曲化粉澤與橘櫟文造鳳樓姍疥蟆與封蠹可不
謂龍城之圭臬鹿塞之范甄乎胡天不惠斯人曰終醫失
秦和星降張軫關屯虎豹瘳屨龍蛇春秋五十又五卒於
嘉慶庚午歲乙酉月戊子曰嗚呼古而無死曠節誰匿今
也則亡翼神欲表白矧宛宛黷腸沈沈草腐螢飛松摧鶴

去雌鸞獨影雄劍停吟詎不哀哉爲此譚文爰薦冥漠其
辭曰

雲泥歟滅舟壑潛移茫茫昊緯億不能知展禽歆算黔婁
賜棋上下求索杳覩頌餞追仰芳規西國之紀汝郁承歡
符表法恃苦性驅靈精心禋祀教子選楹誠姪畫虎邪彼
學侶罔不逢材叩鐘鳴鼓雕宰鑄同沙穆蛾術檀敷鴻裁
貽斯迷穀自遠方來嗚呼哀哉德未終天身何實地葆真
石農希怨墨智宜壽旗幢竟鍛羽翅憎無震靈不返仙轡
谷水瀾瀾梯山嶢嶢秋聲咽樹暝色擁蘿蒿里露溢兮亭
雲抱詰人逝矣陽如之何

詰封一品惲太夫人哀誄

代芥航河帥

式觀女聖婦宗丞程舄奕母師媛憲佐鏡坤儀豈不以姁
媿修容煒昭彤管珎璜矩度榮膺紫泥爲匡鍾郝比肩崔
盧接踵哉自俗習凜醢競尙斧藻纔銘椒花便詆團扇方
吟柳絮卽笑荷塘譎識有限未可稱才卽蘇蕙織圖宛轉
千句韓蘭獻賸賞遇九重雖富辭章未貫經術若宣文授
學晉究周官大家入宮篇續漢史典訓能通治源則昧彼
元暉蒞政督厲潔清善果讞刑鳴鐸平允吏道克嫻心學
莫喻夫介綏縣上偕隱綬光索氏巴中安貧樂道雅操雖
高罕聞箸述馬氏正方起居佗汪孫璵淹雅裁書盈箱載

筆頗多權變何少臧孫拘木書釋同魚江乙禡官喻設盜
布亦饒智計勤儉何居歟至猶績防乃逸淫穢子反金恥
其貪冒雖席貴隆尙崇廉化乃知一端自稚未許即通全
德斯臻允爲美善矣猗惟惻太夫人者河南知府某公之
柘室南河總督某君之萱堂也裊裊清英緒理秀建兼才
伯智游蕤多能錦雞之什則管靖之青魚也蘭闥之錄則
班昭之炯誠也護書之圖則伏女之授經也正始之集則
左芬之而編也鶴背之方則鮑姑之蓄艾也匄書之篋則
召南之殷雷也至于示守潁治河之訓無異敬姜之論桐
綜聚中孚遜葢之書何殊智瓊之擘爻象豈非宅衷聖善

析理昭融陰教修明內則純備者乎宜其有子雄駿爲國
鼎臣

楓陛褒嘉黎儀景珩與何期姥峯摧嶸星實陶瑤圃禾
枯暢亭銚宋不櫛進士筆所塵封義成夫人印綬采鸞鳴
乎哀哉爰摭誄文以志驪仰其辭曰

楚芊精苗毗陵茂族降靈香島歸字萼屋孝事尊章慈憐
婢僕相夫匪躬教子式穀奉已則約施人斯博道路祗如
橋梁屹若忠廟閭閻仁祠廣廓傷力竭誠非邀福澤逢天
之厲伯彊游行長桑訪術貸季求生太陽六戊軒光八成
羣慝簫勺斗極光明又工餘事詩情畫意蓉湖薇省風月

清媚桃園魚佩兒孫娛萃寫以寓懷緼鯁在笥鶉火光物
南雲蔭人宜壽旗翼若木恒春算錫句芒祥來師親惟能
厯信孰曰廉仁等存連襪緜姑妣輪天胡不惠殲我賢母
宛荆誰衣黔敖誰糗疇敢心蓬疇割肘桺徙郢巫陽徙傷
夜厚士也八能臣兮九德如此神膽何嫌巾幗宋學理譚
滢儒經則性定大湫慧參淨域葛藟之情松栢之心竟不
百季孰嗣綴香紅蓮返夢白鵲棲林名騰汗簡德播瑤琴
嗚乎哀哉

楊母原太宜人誄

有序

維道光四年八月二十七日楊母原太宜人卒于京邸春

養素堂文集

卷二十七

士

秋八十有一工部主事維禎之賢母也嗚乎哀哉天姥峯
摧樹蕭蕭而賈葉皇媯后裂月黯黯而淪輝望碧海以無
歸煎香之術登青廬而舉復屬續何時小別鄉園隴雲飛
而不落暫游京國孤鶴去而不還千里渭流波咽秦關之
渡三秋嶽色霜凋玉女之蓮此所以腸斷王修鄰人于焉
罷社形銷吳隱韓母且爲動容也繁觀柔嘉維則淑慎其
儀譽滿盤匱躬采桑柳聲高璜璫手擷蘋蘩折枝滌滌遵
施衿結帨之戒汲盎饋食稟啟詩習孔之風而乃鴻案能
莊鹿車代輓弋鳬與雁循味旦之儀荆釵布裙慕少君之
志兼以課兒紹業遷里擇師中夜九熊騰響與書聲相和

連朝晝炊煙共墨瀋偕飛用能浴出鳳毛翔翼觚棱之
闕養成龍角濯鱗太液之池且也碧浪無私掾渴鮒于涸
轍黃花不恡飼墮鳥于窮途分如雪之機絲東郭生有暝
色捐纜春之困粟北舍婦無葦客方期福與德適壽隨名
永奏幔亭之笙鼓百歲爲期餌鮑井之丹砂三春可報奈
何璇源告竭玉鏡長霾堂北彫萱榭南罷織虛聽鳳曲凝
瑤席之香塵空薦藤枝畱筠奩之舊器可爲噉結用佗唱
言爲之誄曰

寒泉寂響大壑移舟風寒樹折日莫人愁耕臺永隔冥菽
長休嗚平哀哉朝露薤晞浮雲宵散洛靈既沈寶婺不滿

金母窗扉麻姑池館嗚呼哀哉音容髣髴手澤依稀馬誰
劉薦線孰縫衣汝郁無恃符表何依嗚乎哀哉嶠山巢巢
渾水瀾瀾白牛眠地青鳥簪時周官罷講我有謠詞嗚乎
哀哉

何仲昭承晉哀辭

嗟君幼秉此蘭石兮荒中道而摧傷鬱內美其未禪兮中
夏忽實天嚴霜憶講耨于學圃兮焮掌不辭其勞苦遂蜚
聲于鬻舍兮旋貢名于天府冀鸞厲于秋霄兮益函茹于
今古謂余幸簪夫先鞭兮屢崱崱以咨謀既貽以秦蹙之
卷表兮復諭以經術之源流爰追驂于賈鄭兮又尋路于

程朱理窟入而經神來兮象罔寶得其乎珠何稟命之不
融兮偕卜商以修文友朋盡其彫琢兮昆季悲咤其芝焚
余與君有厚望兮焉能禁淚之霑衿死者不可復作兮亦
從嘅俱亡于人琴

銘

潼關銘

并序

嘉應上章涪灘之舉月余假滿將入都因潯暑息車寧山
之麓三峯造天芙蓉削出遙睨潼關鬱律崩坼偉哉洵百
二之屏藩也乃作銘曰

鎗天巨鎮百雉雄關潼流北激渭水西環南連太乙東壓

首陽黃河之水襟帶一方深谷無景坂滌黃卷墳涌女媧
雙柳掣電嶠函以西此爲天險嬴氏叩關諸侯不來爰劉
季世韓馬喧脰延請精卒相亮制敵失此兵機蜀業以衰
疇謂地利王公可弛勇夫重閉誰干國紀巖巖形勝金湯
佗固匪親勿居惟德無敵 大清御寓四扇夸途樓蘭鄯
善隸我版圖闐珍宛駿費我交閭云何能然
帝澤三無效銘劍閣鏘石康衢

青牛樹銘

青牛樹在西嶽廟內相傳老子入關繫青牛之樹

秦松灋栢無此奇古紫氣常封不榮不腐老子青牛茲焉

駐萑徐甲掣牽尹喜摩撫自入西戎誰敢縱斧三千餘年
孤幹無主皮剝嚴霜枝摧苦雨未是倚驕定非新甫白鹿
岡前孰與爲伍青苹肆上莫之或覩峙此嶽宮靈飛精聚
真人重來花葉其吐

棧道銘

嘉慶歲在甲子余遘天潢經歷棧道念其險爲攻取之所
由也爰作銘曰

惟天有目惟地有肺天或可梯地亦可戴秦北蜀南坤維
則斷崇崖刺天歷騎阻軌天實不通繫誰鑿空笮橋縣度
魚鳧蠶叢潢池邇轡梁渠舞景如虎負嵎嘯聚峻嶺

卷二十一
天聲遠震六師霆迅山殲盡殪鶡冠懷印安得隕歎焚林
焯焯蕩無藏疾泉露土恢爰鳩哀鴻以脈以堡利埒金牛
奚虞桀黜

龍關樓銘

屏山東門外五里有龍關依山佩江勢極雄壯惜久積敗
余佗令曰修之刻石爲銘

若水西徠繩波東注孫淹圻流駛奔猋怒天佗高山壁立
江步拒浪截濤屹然佗固雄關岩巖拱峙麗譙俛窺銅瀨
印眺瑤杓鐘鬣幾日瓦敗何朝煙塗窳折風路欒搖予宰
馬湖壤接郛龍左檐五尺鑿憶唐蒙探九緝盜賣劍劭農

漢息堂琅戈偃冬逢鳩工砢石駿發嘶栢面鄣開斷負巖
樹禍極拂屨雲阿囑蟾魄影懾楚魚鰲飛夏翟峴棲極藻
鸞響角鈴巖壓蛟鱷壑撼雷霆昨萌鎮印爽過聽永鎮
三絳空襲五丁劍閣峩峩玉津崔崔千里極目百尺雄才
籌邊濡筆嘯月浮杯勒銘阶彤萬古莓苔

羅喉山銘

山在銅梁縣東門外四里余署篆日新其軒鑱壁書此
畏畏佳者何桀特哉二酉隱處五丁移來巴嶽拱揖計都
奔趨峯高日翳抵落雲扶窰折屨顏堪當良足凸路參塋
曾崖几曲點黛巖青鋪霞獻赤風息招奢煙生齒屐育蟲

桃竹秀石楠花爭禽啁譟門蟻紛拏佛卧不醒仙醉無期
靜如太古謫似新知自有宇宙誰壽金石得閒且游此地
非僻繁我登臨遠望噲歎麥積銘鐫琇胸天笑

普照寺鐘銘

寺在蘭州府城東南隅創自唐貞觀閒即今大佛寺也鐘
爲金泰和時所鑄重萬斤

貞觀古刹泰和洪鐘萬鈞樂重千歲塵封螭文在紐鳥篆
蟠胸鼓延意匠臯氏鑪鎔騰光寶電銜火應龍窺來太乙
伶此大鏞何率血釁幾代沾重霜辰韻亮月夜聲鴻蒲牢
鯨擊睇澤雷從巖城夢曉遠野心松金徒漏短雞人唱懶

焉逢仲夏御旅梵宮摩挹追蠡瞻拜仰容朝夕熟聽匍匐
驚聾發人深省破我愁悰鉢敲響遍枕穎音通雲坐九乳
風送三峯重泉之磬周庭之庸鸞翼翼邇逢逢霽林
闕寂震旦昭融銘文斯勒脂帝其宗

顏子陋巷銘

蓬蒿沒徑犬吠不傳長者車稀爾如郊垞獨處此心齋
冥冥風吹瓢響日照簾塵賴有度轂過從情親何來風雨
有女娉婷縮屋繼照柳下潔身朝歌在即曾莫之經所苦
卓爾賤若黷齡偶然夜浴如對明神師欲居吾與陋爲鄰
況以不敏聊樂我貧賜室窺好宰寢晝新此焉栖遲四時

有春

蘭木刀銘

余宰蜀屏山以事赴成都有候補通守楊君渙湖南人來訪探懷出一刀橢長四寸厚七分寬六分以骨爲柄質似石芊肝色曰此木也可削銅鐵試之良然且曰君博物知是何木希爲銘之鐫其背余曰此逸周書王會篇所云西南夸出之蘭木也觀孔晁注可信乃爲銘曰

石之質木之名削銅鐵寄無聲簪聞金克木今見木克金物理不可測吾將問林林

端研銘

帝鴻塵邈墨海龍飛我家壯茁青鐵相隨繫此紫雲崩
所遺輸寥閒館如見淬妃綺文抱素玉質含暉因露圭角
照口訾非自今以始守黑防微靜者必壽予亭掩扉

金星石所銘

金星石陰山璞割復磨光歷錄廿八宿羅胃腹

又

墨水果能有幾升慎毋點筆佗飛蠅佐予鈔寫神仙傳活
眼看佗夏佗水

又

勿矜尔善文十六經都焚守黑尋乎牝五千言妄云吁嗟

老壽者定屬陶涖君

梅花石研銘

繁栗岡之碧練而結綠之芳鄰
羌廉貞其厚重吐香色以成文

龍研銘

噴墨成字蜚雲煥章點睛不飛入張弩囊

圭研銘

其形銳如終葵其質黝如蒙俱妃無醜辛道支王無怒徐
予之我藏此佗易旗風雷雨夜謹護持

青州石大圓研銘

尔何不爲怒以殪虐猶尔何不爲刀以截貪饕尔何不爲鼓以驚讎牯乃爲此鈍然之視烏知夫人情之可變

龍骨石研銘

石磨墨墨噴字字成文文無害惟大雅卓不羣訴真宰搜鬼怪通風雲我知白能守黑爲誰焚

銅雀瓦研銘

高臺傾古瓦出琢磨之鐵石質不渴墨不澁筆宜寶藏羽陽匹

海天旭日研銘

點墨海含之珠筆不澁焉可枯續日月天爲圖永珪藏仵

神輸

端研銘

巖之石青紫色騰寒芒劇發墨以爲田筆耕得郎官樣時
在側作爲文鬱典則儻風雷須臾匿

贊

倉頡贊

乎廬靈龜負書貢文因而制字雨粟紘紘百王取憲篆籀
後分並明四目鬼哭夜聞智詎日啟龍登乎雲丙曰禋祀
或史或君

葛天贊

何幸爲民古風淳真不言自信鵬然如春聽彼八關牛尾
紛綸泰山之上鐫跡未泯興乃貨幣誰或慮貧我今囊涸
恨不逢君

祝融贊

登彼衡嶺追尋遐蹤九頭圖出淳耀昭融以火施化參駕
赤龍師乃廣壽其德在躬弇州之鳥鳴聲雝雝何由聽之
耳目明聰

老子贊

天生猶龍爲道德宗柱下司史老有少容出關西去流沙
寄蹤追隨徐甲青牛蒙茸簪經五千枕中又記震盪三川

知周之季尼山問孔伸舌示意尹喜來尋在青羊市云何
秦佚拊尸痛哭毋乃形解飛遞幽谷我徂瀨鄉九井波灩
棄妹匪仁隱如貽穀

孟子贊

仇母善教蔚成大賢本仁祖義待後守先言稱堯舜治法
井田時遭戰國民若倒縣不操尺柄反手徒然養素著書
性善說堅荀卿老師言僞則偏我過鄒邑踰五百季如此
名世不遇其天

李廣贊

何故將銅霸陵夜獵醉尉呵之理宜服帖竟斬銅中毋乃

仇挾以此不戾于數何涉大漠悲風飛沙擗葉一劍身
萬照氣懾北平片石荒草重疊射法猶傳匈奴震讙

河間獻王贊

惟王不帝濫治其衰賴太博士聖經不枝貫公春秋毛萇
傳詩又得周孔治術以熙所獻雅樂在皇棄之遂令後世
鄭聲繁滋慨想功烈媿者伊誰三雍應對文約理持

何邵公贊

阮雲臺少保師總督兩廣曰發學海堂策問俾諸生爲何
邵公贊余今補爲之

東漢之季經籍道息內學滋興耶說充塞高密鄭公志爲

經翼囊括四典解煩祛惑君于此時公芊殫力義符胡母
條例定則其學如海爲羣儒式微涉識緯自生荆棘墨守
之篇康成攻克要其所精于經有得後人操戈有類耳食
嚴樂以來此爲斗極

許叔重贊

不知文字訓詁何通不知訓詁經義難窮卓哉祭酒六書
精工古文篆籀參稽折衷博而通人賈逵是宗康成經裏
晉灼史中咸采其說如日出東爨秦灰燼一旦昭融嚴峻
江武鐵驛追蹤我過召陵景仰遺風浚長雖眇于聖有功
祀之廟廡誰曰非公

鄭康成贊

大道既東季長生忌眾典鴻苞誰堪執轡王肅何人有心
違異聖證之論矯誣很忮豈知司農兼才伯智解釋羣經
囊括大義雖有疵瑕不掩精粹王粲何疑孔融何戲儻微
鄭君聖訓其墜東西二京冀焉莫二

諸葛忠亮像贊

蒞天民學苞王佐才三顧魚水八陳風雷託孤伯牧甄善
釋猜紆籌開濟大運幹回氣吞疆敵家匱餘財斗膽雖破
秤心雖灰彬空測識浩矣詆諛詰人景仰梁父悲哀

生員周祚修之母王氏節孝贊

有序

前史氏云天下莫陸梁於盜賊過孝子節婦之里逡巡不敢入或咨嗟而歎息莫悍鏖於虎豹守廬銜餉鹿兔聞哭聲則悲嘯呼騰莫恟慌於鬼神燭路而飛炬火掣疾病則降藥餌非由性情之至精靈震怛與今儒童周國望之妻王氏以薺萼之萃卽辭藥砧尊章梨棗緒雛呱巷餘顏子之瓢稅乏率衡之橘亦甚零丁矣氏則封鬢矢志茹蘗守貞夜績以奉晨羞九難而策駿足卒之黃墟瞑目親享旗幢白曰明心子采芹藻可不謂母儀修備婦德純全者乎嗟夫引斧臂斷援鏡鼻空陌上箏哀山中石老蝶翩翻而翻墮鵲宛頸而悲鳴均爲高行無傷苦節氏乃可與亢

衡矣繫以贊曰

廖妻斷指相媛截髮張帛竄淵散賓泣月蜀國前徽於今
未歇猗維周母銅梁規萬蓬影壓霜荻字淋雨春熙襟堂
文飛鬢序宗鄰懋仇族邨慕桓瑤池欠雪古井波瀾梓上
鴛白筠根血丹仰貞風之肅穆巴嶺高而涪江長汜濫兮
金石沈止桌烈兮草木彫喪桑田滄海紛遷變陰兔陽烏
照節坊

孝獸贊

有序

思南有甌峯盤亘銅仁思州石阡數百里大木碩出莫不
茂者騰林拂雲幽煙冥緬窮崖造濫亢石無階杳無居人

人蹤亦不能到所產草木多異狀有獸焉形類獼猴而大
尾長四五尺而歧端色蒼黃鼻露向上雨即自懸於樹尾
尾塞鼻或曰兩指爾雅所謂雌也巢於樹老者居上子孫
曰次居下老者簡出子孫搜巖得果即傳遞而上薦老者
食食已然後傳遞至下上者未食下者未敢嘗先王用曰
繪於尊彝取其孝也按寓屬小而尾短者猴也但猴而多
鬚者虞也小於猴文采蔚然者果下豹也但猴而大者獼
也大而尾長赤目者禺也但狢而大者果然也九真人号
歌狢但狢而小者蒙頌也一名蒙貴但狢而善躍越者獬
𧈧也但猴而長臂者蜎也但蜎而狗首曰蜎爲雌者獬𧈧

也又名獾狍倮蝮而金尾者狻也倮蝮而大能食蝮者獨也食猴者獾也叩鼻者狻也狻即蝮也南人名之曰仙猴也鄆景純贊云禺屬之才莫過於蝮雨則自縣塞鼻曰尾厥形雖陋列象宗彝余賡贊曰

蟻穴蜂房君臣道章鵠行雁序兄弟燕處鸛遷雞呼朋友叩須鳩摯鷺別夫婦締結惟烏能哺惟燕能乳愛深養隆曰母曰父云何蒼蝮念厥顧復嘉果摘來爰薦蠶壽嗟嗟世人誰無二親商賈逐末聲壽空陳士也遠宦鐘鼎自榮繫管子興益母長獻亦有周盤感懷魴魚銜索幾蠹奉檄樂胥蒼蒼者天薄薄者地罔極鴻慈豈惟酒食此而不將

嬪嬙所戲

養素堂文集卷二十八

荅威張 澍介侯

頌 箴 弔 祝 祭 賁

禽堅頌

孟田至性感動殊俗負父歸來谿黑月燭勤奉晨歡地應
出粟先雒葬魚支漸傍鹿可知大孝鬼神載臬王商表之
風示巴蜀

隗相頌

母也懷清飲此江水江齊生石天爲孝子精感奇相負甕
可履何光井騰波斐詩泉躍鯉乃如之人聯芳繼軌棘道

卷二十一
至今說叔通氏

叔先雅頌

成端灘險浪湍怒尼和詣郡波摧艣倏忽淪沒歸水府女
維聞之淚如雨兒頸珠囊繫以組實身狂瀾尋吾父見夢
弟賢容若覩果然抱屍出江漣太守蕭登高拜俯上書當
寧極揚詡太碑圖形黃絹補嗟乎姚精妣賊曹旰沈孝娥
前後此丹心永建至今逾千載過客猶恨江水深

張帛頌

貞學易韓子方船覆沒弟求喪久不得帛徬徨遂自沈大
小惶十四日出水旁持夫手如頤頤韓子冉坐堂皇聞烈

節深褒揚召其子列班行符先絡比芬芳時人指興道鄉
駕鸞坼水波香

林間頌

翁孺之學能通方言子雲從游間俗輟軒厥性貞亮不踏
金門山飛白鶴峽嘯青蜺掌妻階隱伯鸞風存訓詞卒遠
後世昧原

巖邊頌

後儒學易盤理離象先生湛冥以卜警罔得錢丞簾老子
在掌心游太始隨和俯仰不滑性真不膠因想骨髓一訣
窮形極響樞安轡翁珠還壁嚮子雲師之太卒其爽得乎

不得杜陵李彊

李宏頌

不夸不惠可否之兩伏處陋巷君平與班爲州從事直諫
犯顏志淬金石岳太孱顏言行必正化愚格頑邦家孚德
擔免白斑揚子所稱吾亦何閒

菊頌

猗矣芳菊在彼東籬葉其鬱翠花乃葳蕤秋時佳色霜後
傲枝瘦真比我淡竟如誰相逢載酒相賞題詩兩開杜淚
三徑陶詞助老彭壽癯孺子飢香踰蘭蕙光映階墀滿頭
挿髮盈把拈髭是眞隱逸晚節榮滋酈泉甘冽女几塵

登山臨水送歸何時故園采采鄭泛金卮猶然塵鞅九日
含悲

爲參領某君頌

在晉二疏解組道路樂觀萬石縣車史書頌美是以知止
足者猶龍之學愛閒靜者不羈之才自古稱賢於今爲烈
參領某君名家杞梓粵冢蓼裾霽月挹其冲襟幽蘭寫其
迴韻秉心維塞接物以和重以原思筮仕不翦蓬蒿仲路
居官依然棠簪水衡之錢選一而不受太倉之粟匪盼而
必均罔交口以成碑臣有心而似水洵所云隆隆恐墜蓓
蓓不緇者也乃者亥字書年申章得請歸彼空谷遂其初

衣時則吏民戴德而遮畱紳笏動容而嘉歎屬余不佞賄
子一言嗟乎榮名爲寶晚節實難松菊年年訪衆明而不
見尊鱸處處問季鷹以安歸孰意今茲躬逢逴者鳳城尺
五願每節以無忘鳩杖一枝祝加餐其健在

箴

怒箴

余生卞急疾惡太甚奸鋒髮指邪蠱皮癢豈知九乾亭毒
萬品諂佞影纓貪饕積廩弦直餒僵泉清凍噤並育兩閒
焉能精審昊緯有權俟善惡稔余也罕漫奚爲踴躍誰貽
帝休移乃夙稟順涿任人幼清葆朕北方之彊金革可衽

戒之戒之卷舌痛飲

曾子三省箴

余生鈍魯老而嚮學讐鄧叢集身焉遭灼始猶營迷今乃
夢覺敢不惺惺負斯頭角駒景如馳一去難縛惟日孜孜
癡癡是索莫謂無視十目明暉莫謂無指十手捫摸嚴乎
可畏心彊力弱與人爲謀懼不終託惟朋之交詐或勝樸
惟從之傳純或閒駁思之思之忤莫余若

祝文

祝洞庭君文

歲在昭陽大淵獻之陽月張子自黔返秦汜舟東下阻風

洞庭之湖三日稔洞庭君之靈甚著乃爲文以祝之其辭

曰

惟神淵默協佐蒼穹潛光貝闕浴德鱗宮抱真正時菩下
首公徧與諸生大苞羣蒙以平以準惟神之功衝飈何來
越至三日舟楫延阻榜人戰栗檣傾欲摧拖轉如匿軒然
大波汗漫無壁沸浪駕天飛濤襄舉深夜雷霆大海翻颶
粵余牽絲服官未久豈有豐功惠濟黔首竊幸水清無貽
厥醜禁暴戢奸市虎反忝操守荷渝神執其咎白雲在天
膝下誰歡倚門盼望于焉挂冠黔南木落河朔水寒歸裝
明月書簪一船迢迢道路憂思汎瀾胡爲惡浪侵我舟樂

憑合窳威假奇相夢聰明謂何而水之罔正直謂何而風
之枉予爲神羞望泮撫掌庶幾有靈助帆揚舠驅彼雉龍
潛蹲淵渟神鉦懾恠爾鱗匿形君山十二螺髻含青順風
而呼千里歸寧載拜家慶曰神之力載奉笑言曰神之德
火珠秘經是鎮惶惑敢告波臣無或反側神其鑒之機發
矢直

祝先秦蜀郡守李公文

惟神生負靈異長裕經綸當嶧江之興濤有奇相以肆暴
苗浮於洩壘莫遇開明害劇於襄陵誰爲高密自神典郡
民免載胥縈白練以殪牛風雲改色持青萍而噴酒雷霆

助威神受約而波恬恠遭誅而石爛蓋都成膏沃之國蜀
黎享灑漑之饒神之德大哉神之功豐矣今某莅邑四月
當此蘊隆陽烏吐輝女妓睽日商莘戢羽耕父西屍方罫
拆龜蛙陷泥而陰伏秧苗燎火鵲失水而徬徨悲魚莘將
無所遺痛草木不復有賴老農扶鋤以掩汰窮卑買犢而
逃鄉天實至仁詎肯爲厲某實不德乃召此殃宜降重罰
以明威何致無辜之罹咎伏念神黃麾法術紺髮慈悲七
星橋成五犀石太深潭淺隔澤徧青黎鹽漑雷追縣解蒼
赤拔劍虹起呼來難陀之龍關弓月飛射去畢方之鳥萬
民鳧藻四野雲蒸某翹瞻雲漢空測月離旣不能效戴封

之自焚東薪何在復不能如廣微之舊格三日離期惟有
仰祈神力以蘇眾生白虎伏巖不誑黃龍之酒青衣樂業
仍歌乎蟻之城伏冀哀矜無任翹切

弔文

弔三閭大夫文

玉屏北阿外水月菴有祠祀楚屈大夫士人傳其

國初兵燹時見形水裔賊爲辟易故祀之按涉江篇有曰
藥舂船余上沅兮齊吳榜以擊汰又曰朝發枉渚兮夕宿
辰陽玉屏古爲沅辰地諒當日者儻何激浦淹水容與采
芷沅江卽大夫所謂僻遠何傷也予於壬戌夏雨霽來游

刪芟砌草進謁遺像乃爲文以弔之其辭曰

痛九天之淩淩兮聽皇輿之敗績
菰又不營夫忠謇兮放
江潭而疏邊荒不能偃矩逐時兮
眾女謠詠以貢色鯀殛
死于羽山兮雖女嬃猶忌其婞直
幼清安肯涅淄兮豈靈
氛筵尊之能占時幽昧而捷徑兮
薰吾道其何嫌漁父旣
莫我知兮又誰能與黨人爲緣
瀕于危而不顧兮終湛淪
乎汨羅之淵鸞皇折厥翼翮兮
讓鷺鷥之追隨躡蹢躅於
艱阻兮驢臚騰驤以驕馳
神龍困於泥淖兮亾慶雲之被
覆枳棘榛榛而梗塞兮不得
蹇若衡而餐秋菊嚴霜忽
賈
季夏兮芳苓淒淒而彫天
扶桑鬱其危律兮誰總轡以消

搖睇高北而無女兮求慮妃之所在陽侯乘以素波兮彭
咸媵以飛綏竟不能遠游延齡兮斥傳說而騎箕尾嗟正
則竟溘亾兮畱湓豔之嘉藻何儒梟虧我高明兮謂揚才
以競羣小詎識風諫之優游兮引靈修於當道睠顧舊鄉
以唏噓兮不忍三戶之煙空於世旣遘夫椒蘭兮今又何
訾乎過忠繫余企仰練要兮覽遺則焉隕涕欲唱小海之
曲兮久夷舞於波際寤堯舜之超軼兮以耿介爲天姿何
末俗競昌披兮反離騷而摘詞斤鷄罔測雲鵬兮鳩搶榆
而笑之我薦椒糈兮哀日月志佩芳棄穢兮導吾先路中
道不改此度兮冠切雲之峩峩行砥矢而言丹青兮嚴界

絕夫非義儻世蔽美而好朋兮吾將高馳而遐寄

弔徐孺子文

南昌進賢門外望仙寺東里許有東漢徐徵君穉墓舊碑
剝落卽白社地也暇日來訪作文以弔之其辭曰

夫何見幾之獨明避宦豎之縱橫伏丘園以養晦同申屠
之銷聲蒲輪徵而不起友李膺以陶情信南州之高士實
心跡之雙清不孤高以絕俗負箇舁而芻束雖茅容其能
言難挽駕而同躅樂陳蕃之好賢憑漆几以款曲慨中原
之戎馬乃被褐以懷玉何鄣泰之皇皇支大厦以一木嗟
乎黨人盡兮滄鼎移徵君沒兮宿草悲將輿之頭顱莫葬

掾史之面目羣疑黃巾起而飛海水黑山來而掩朝曦玉
石兮俱碎棟梁兮咸披然後知逃名世外散髮湖濶不希
薦章於狗監可杜德量於牛醫亂曰嘉禾之季誰種松長
沙徐熙植蚪龍永安之歲誰築碑南陽謝景紀風規不尋
市卒梅仙宅長憶先生湖水白

弔梁伯鸞文

道光辛卯仲夏泚游南國過梅里訪泰伯之墳入延陵尋
季札之謁裴裒遺跡塵邈莫攀抵吳門聞伯鸞塢翁知其
尚存不得效周穎文展墓望祭而歛其志節清高古今鮮
儷且吾秦人也爰摘文以弔之

維先生簪扶風兮會上林以牧豕入霸陵之深山兮業耕
織而琴倚東出關而五噫兮帝聞歌而悲只易姓名而韜
光兮由齊魯而之吳市依伯通之廡下兮躬賃舂而不耻
妻舉案而齊眉兮乃見異於皋氏潛戶牖以箸書兮十餘
篇而倂詭忽念高恢之良友兮鳥嚶嚶于高枝佗廿四人
之嘉頌分聊輸寫乎心儀遭厲疾以大漸兮告主人使知
之羨延陵之葬子兮又何必歸夫豐岐卒之日而求葬兮
冢依傍於要離嗟先生之匿耀兮傳鄭樸而何疑彼法真
之謝世兮胡廣盡以簪碑何先生之貞亮兮無鴻文以表
襮豈龍德之難摹兮莫能擲其蘊奧管黔敖之卒飢兮妻

謚康以鼓好胡孟光之賢明兮不摛辭以傷悼繫余疲於
津梁兮願歸秦以卓帽與先生豈異趣兮亦欲煙霞以寄
傲補臺卿之決錄兮以箸孤生之風操

弔龍丘叢文

辛卯夏季過衢州望太末之山慨然懷龍丘叢之高節風
帆迅駛恨不得履九石尋耕稼之跡也遙爲文以弔之
巨君竊位兮滔天矯符命兮黃虞爲先逢眞箸書兮脯下
胡剛挂冠兮府前楊寶逃遁兮景宥汪丹教授兮易傳子
建褫冕兮友絕鄙憲焚衣兮海邊許楊巫醫兮姓變虞峻
飲藥兮身捐鉞猛歸邾兮憤悵嚴遵邽聘兮述遭葛盧棄

官兮戈奮應豫謝病兮粥餬上俊畱吳兮棄節疏彥入晉
兮飲泉豈諸人之頑固實新室之殘蠹偉先生之霞蹤翫
蓮萼以散步違四輔與三公甘卧雲而行露泊建莖之中
興詔任延爲都尉掾吏白以檄召莠不可乎齋怒致藥餌
以脩書懼洒掃於居寓積一載之殷勤乃詣門而景埶願
備錄以效死爲議曹以答遇嗟乎天地荆榛兮蛟龍遁藏
倫類黷亂兮賢喆伴狂况哀章之貢諛又原鴉之通房瀆
鵠血以種穀祈壽命之延長豈期春陵之佳氣蘇伯早識
其新亾何俟公寶之加刃漸臺避火以蒼黃信先生之鏡
機依九石以葆光神千秋兮栖託景姓氏之芳香

弔嚴子陵文

辛卯六月初十日舟抵釣臺覽子陵之遺跡緬高風之不再爲文弔之以志景仰其辭曰

繫巨君之閭伋兮亦按采乎英賢或焚衣而蹈海兮或挂冠而尋仙伴狂以逃毒蠶兮恨廣亂之滔天先生歸自長安兮潛富春而耕煙舊交龍飛於白水兮詔蒲輪以徵之使三反而脫裘兮宴陽明以娛熙足加腹而動宿兮賜巨粟而推辭鄙外行而徐步兮皇降輿而手持蔑諛譏之榮職兮返桐廬而理緡絲魯雄陶與靈甫兮友重鸞於歷山既登庸而陟岱兮咸逃避乎幽閒耻厠九官十二牧兮牛

馬走於榛菅誠高風之邈鴈兮降巢許而陵塵寰何先生
之遐心兮宛湛爾而淵深謝雲臺之圖畫兮樂山水之清
春豈狂奴之故態兮寄霸書以作箴守老子之知足兮何
羨夫四七之冠簪爲之亂曰桐江兮漫衍石瀨兮清淺灑
漚兮游鱗嵯峨兮危巘踞石兮投竿細沙兮文簑後人兮
思君維舟兮懷芬襲襲兮俛仰高臺兮塵雪人去兮宋襄
風寒兮日曛

祭文

祭嶠江汭魚子灘神文

代鷺樸園大令

嘉慶某年某月某日具官鷺某謹以牲牢沈祭汭魚子灘

神曰維神潛光貝闕浴德鱗波涼佐奇相鉗制毗羅河伯
勢丛海若靈多蜀妄仰潤巴竇切和繫此灘窟神所憑依
浪佗回復石如捍違崖峻魚畏湍急鳥歸先絡淪魄貞帛
碎頤瞻言行旅靡不如苦兵蘭爲難弄棟與侮蛇尾歧鉤
魚頭鐵蓋呼來聞鱗挾以合窳颯厲濤飛檣傾楫折王閼
豚膽陳荳縮舌千金璧沈一綫命絕涕溢玉津悲填荷節
在管李冰察脈弗迷駕七星橋厭五石犀勸酒祇遁操刀
恠唬約誓既定養生遂禋亦越正方鑿鑿天社赤水恬波
黃龍馴化藉江堰開通道舟下揚母無阻常堰乃跨豈皆
人事實賴神功潤崖失險石室禦洪壘塹平坦鹽漑疏通

蒼兕戢景黃牛壘工今也塵邈前詰不佞唐蒙路封道興
坻落潰石喧雷漩淵轉壑船懼觸樸人愁葬鱗某司隸邑
軫念黎患亟思澹菑爰督利鑿術思翟乾勇學成覲召龍
石驅渡席瀾晏伏祈明神相助之力決院鬢流平險截滅
夢授彳符精藏日稷孽萌戴慈涂客褻德尚饗

祭古墓文

乾隆某季西安某旗某官某以白鎡若干契地於長安縣
之某鄉欲爲其父某君佗將來兆域嘉慶某季某月某日
某君歿延青烏家指牛眠地置鋪掘壙深入丈許有舊穴
出焉辟寧開闢方圓積級赭壁堅凝有若霞駁黃腸旣灰

白骨靡存明器之屬有瓦蓋瓦燼數事蓋范魚文並綴蒼
藻燼有竈口上橫權稱無髻墾無辟暴斬然若纔出旅人
不見誌銘莫知族姓亦無繇悉其時世也爰帚遺塵囊而
盛之瘞諸塋後僂房旣完遂宅厥考念管人有祀冥漠君
者倩舒靈阿觀察徵余文刻碑以爲歲時用享其辭曰

君爲何代之賢兮乃隱儀於此土緊幽竈其康唐兮宵軀
質以莫覩潛靈諒縣邈兮茂樂石之鐫銘出與處兮何操
天與壽兮何齡耳孫今果安託兮鼻祖管爲阿誰僅蓋燼
之如新兮長鏹置以安施嗟嗟廣堪何恩兮大興何仇何
荆卿之不諒兮與辛左以相尤管髀掩於甄舒兮儼牟冠

以來謝取司徒之威斗兮未聞所屍以疑訝詎敘佳城之
鬱鬱兮符踣驥於關關彼一雙之青鳥乎胡寄信於揚州
願靖謚于厚夜兮毋鼠聖而狐神歲時虔致薄輟兮乘雲
馬龜車而來饗拊一坏以增哀兮風雲懷其莽蒼

祭錢漆林夫子文

嗚呼梧葉初彫秋聲四起泰嶽積傾斗柄移徙典型孰寄
楷模淪亾杳沈響杳流水從傷繫我夫子實惟國等肅王
世胄越水名家緬懷祖德秩秩台垣建猷樹績優渥

皇恩念厥先人南邦箸績騎馬迎來鑄碑思去荆枝棣萼
璀璨芬菲珂鳴並響笏耀連輝幾世恩綸累朝軒冕不墜

箕裘式遵前典幼而好學長也能文螢囊雪案寒暑辛勤
翰墨之場共相角逐穎悟天成脫彙如腹文壇拔幟雲路
初登蜚聲翼序翔步騫騰庚子賓興賢書伊始鶚薦三秋
鵬搏萬里六月之程干焉暫憩越劍吳鉤頻經淬厲乃躋
而起旋陟雲梯泥金奏捷雁塢名題英萃通籍載履花磚
班聯玉筍望璽木天稽古之榮信維經史手錄口吟司司
不已優游藝苑夙擅鴻聲夏歷中外屢主文衡壬秋奉

命典試黔陽爬羅剔抉無隱不彰關中星使曰惟甲寅接
荆識寶大雅扶輪輶車甫返旋校春闈盈門多士彬彬庶
幾承明奏對

帝曰俞哉舊有聞望宜爾育才遂往滇南振鐸是司崎嶇
萬里履險如夷口講指畫昕夕不遑化其樸魯登彼秀良
載勤王事霧重爰蒸蓂蓂著罔效二豎忽膺七月旣望惡耗
忽來驚聞怛化肝傷心摧嗟嗟慈顏謁別三載于茲高山
仰止靡日不思方圖入覲

天顏有喜面命耳提不遠伊邇何期鶴駕召賸玉樓修文
天上欲從末由憶登緇帷滿庭桃李教之誨之孰疏孰昵
而今安在哲人其萎宗風孰振將焉取規懿行嘉言殆難
殫述齋咨涕洟嗟何及迢遙南詔丹旄翩翩魂兮來歸
人耶其天椒漿桂酒灑淚敝詞師而有靈庶其鑒之尚饗

祭章桐門相國師文

歲在己亥之五月某日弟子張某叩頭哭奠故大學士桐
門夫子嗚呼咎我衿青值公使星今我竹素夢公薤露九
原不佞魂依宰樹憶赴春官羽鏤鳳鸞賴公延譽名滿長
安將輶平揖上公聯榻人亦有言終童玉太翔步木天玉
堂奩蓮何期淪謫黔國荒煙公時奉使馳驛滇南握衣行
館夜語醺醺河濱李樓我則僣鳩公時撫蘇侍宴清秋自
後分襟牽絲于蜀字剖魚腹書紫雁足巴山萬疊燕樹千
重路遙神邇跡沒情濃不意興戎公制畿輔蟲沙旣化調
梅舞羽功成引退淙水之東心焉頌祝壽如召公忽聞殂

謝騎箕歸天銜哀茹痛淚若涌泉公竟去耶蒼生謂何公
不返耶子弟則那我猶作吏鹽車困驥民口如碑不勝媿
思嗚呼我公急流何高尋當釋轍去聽松濤西湖水碧南
屏山青杳杳如在天上雷霆嗚呼哀哉

祭管韞山侍御師文

嗚呼我師薦紳鳳羽抱信而缸散仁而土鬪德孚僞法言
稽古觥觥太朝矯矯繩壺蘭石自然苞苴不取經術能神
文章鸞虎鵠乎其羞儒也不腐嗚呼我師學人麟脯乙卯
之歲執轡追隨公見我文擊節驚奇稼軒豪氣同甫雄詞
評澍文謂有譽延人海名噪一時示之規鋏棄乃糠粃眷
辛陳之風

官報捷芸館栖遲公曰不愧子其攸宜聞之感激彌復操

持何期鬼伯妬我豕材學士相約尊酒宏開

汪學士滋晚招飲席中患

病歸

而卒日未移景顏忽飛灰速駕而返臯復不同呼醫未診

招巫莫來魂歸梁甫魄逐鳩媒鵠妻泣血驥子銜哀我獨

何心能不傷靈鍛翮之禽假之風翼被褐之夫飾之綦絨

露潤枯枝波涵淺洫遂令鉛刀化爲大食鵬漸圖南馬斯

空北雷電文心纂組睭則不敏如予終焉有得哀哉我師

照謂能賢朋爲性命書乃陌阡旋歸豹直勤守蠹編點竄

文字勁矢上弦咏哦詩句空澗流泉李崔雒起成恩騶遷

侍御李如梓學士崔景儀中丞成格侍郎恩普皆受業弟子

惟予骯髒困乃絡宵師謂

子仕魚上樹然師謂子學鶴鳴皋焉愧此宗匠敢忘祖鞭
今則馬帳虛縣壺杖違侍大雪何季希風靡日鄴架巫蛛
賈園朽橘遶鶴遲歸淫魚空出藥賸不龜射荒于蝨蒜髮
紛披蓬心久望遙望毗陵徒懷蛾術薄醲散陳神靈式苾
嗚呼哀哉

祭封翁劉芸谷先生文

嗚呼珊瑚委浪子午積峯彭原杳朽高壖雲空空桐化鶴
尉李蟄龍泉寒裂石風厲摧松書靈簡落琴覆絃檣壁碎
理棘劍折芙蓉心追黃垓氣憤蒼穹茫茫神理能不惺忪
繫我芸翁義渠巨室族啓唐都系緜隰叔天上耶精人閒

曉日汜蕙虛衿渾金粹質儀偉姚姚氣閒豔豔養醑兒和
詞寡人吉厥心孔臧其德惟一誓季超羈綺歲騰芳門無
題鳳案有囊螢譙周思苦朱穆餐忘江花夢吐邵錦懷藏
工賤榴枕嬾歌竹箱情游汗簡心醉謨觴固宜霄霽健鸚
塗騁肅驪劍逢薛燭曲賞瓠梁乃以高堂顯髮辭塾督家
聲蜚璧水籍謝公沙折枝柔色問饌息譔圭然智術陶衛
才綦單心機杼漱力桑麻書緡都尉樹種橐駝用能櫃溢
陽邁倉貯汙邪牖成未雨酒不畫蛇而且貨波捐惠指困
夷恩甦旌目餓噓羣角溫買山造鄰乞火叩門麥舟助喪
蚨子贈婚沆泉注溼春雨滋根所求必給相遇無言尤好

名賢膠漆斯堅鄭莊置驛陳遵畱筵吳札投綰王宏送錢
鵠蓋朝擁坵膏夕然季心諾重葵匡智全嘉譽日起冲懷
彌滿然當慈闈遘厲扶服戰兢樹下拜果山中問簾長魚
癰吮君仲壽膏丹書罔效紫石空承斑衣不舞巫即畎迎
脂澤竅啓嬰彌夢謦陰元虎嘯荀顗柴輕里南擊節邊聽
風聲若其念切燕貽情殷穀似櫝研書銘篝燈課史游戒
撫塵習愼斲梓人已柅繩言行坊宇庭誥顏君門律張氏
重道尊師隆儀厚礼龍超型弟彪怒誘子杖奉壺丘衣摳
角里庶冀顯揚以報恃怙三寸毛錐四方蓬矢以故僧彌
通才房齡國器璫響青萍鸞高白蟻貢天府名爲玉皇吏

鱣舍訓徒烏臺奏事也於戲石火電光百季猶瞬桑田滄
海三度何深古疆見睂未爲耆壽孟岐攀匡詎算仙真惟
此懿德堪式古今性旣似爾心尤如金鱣我散怨玉汝分
甘停澆激薄太懦興廉所以

恩承楓陛榮貫冰銜克爾素願永嗣清音與今耆秦雲積
遲隴月虧爾弔鶴臨門巢鷺入蘭白馬山高青烏墓凸阮
咸痛深顏丁哀切夜色煮蒿平陰沈關嗚呼哀哉昔日落
西酸風起北靈艸根枯瓊田路絕薊門薊我桐邑迢逼某
等敬佩穆行素知蠲德規萬成風楷模語葉天上京兆旄
導杜靈人間巾儒學傳鄒夾悲緒無窮靈傷何及魂兮有

靈香如可接桂酒椒漿陳詞濡沾尚饗

祭李石農方伯文

歎虐哀哉長庚淪曜霍岳摧峯天理星傾尸臣鼎沒煙寒
玉壘樹黯銅梁波咽錦江月埋石鏡國祚祗柱人失帡幪
歎虐哀哉惟公桓麟敏慧伯魚明通丹桂攀枝敷教胄子
紅綾咬餅觀政刑曹望重白雲才雄紫電五辭沒事三法
求情咎繇削爪

聖帝嘉許貫索是主秋讞總司雋疑平寬定國明察寃逵
肺石恥格草纓可謂叢棘夷塗樹槐實錄矣矧乃玉抵學
山珠涵筆海鳳樓巨手龍簾大鐘響滿上都文邀

皇覽用充鄉試旋校孔闢珊瑚網宏開蓉鏡廣照不失李定
可傲東坡能得韓愈堪追陸贄旣而尤異之材茂膺計典
匡時之略觀察溫台第五廉平躬剡馬秣伯道清約自迥
家糧比謝宣城吟謳不廢如杜元凱講讀何妨露冕宣風
停車得雨循聲懋熙

御屏書名瞻彼滇南陳乃臬事茶首遐遁岐蛇靜藏葉榆
波清雞足霧斂方思秣陵之柳揚以和颺陝服之棠畱以
莢蔭而乃挂于吏議遠謫輪臺黃河久堅青海月苦新陶
飲水渥洼尋駒大漠沙飛浚山鷗健玉關人老未動詩褒
楓陞恩深卽許生入狐讎日暝狼孟泉甘扶杖觀鳩呼朋

浮蟻將欲韜光涅氏戢景役人蔡葵灌圃橐駝種樹經綰
相鶴書箸養魚回憶曲唱刀環星歸榆塞龍庭蹟遠賓鴻
繫帛馬邑霜寒留犁撓酒未嘗不歎

君恩似海臣舉如山也無何輸粟天藏飛輓是寄河堤謁
者焉流昆專鵬將起溟鳳亦覽德

九重簡在六典頻司鉅鹿彝庚五辛熟西道抄赭衣宵持
丹筆惟良折獄寧失不經

帝鑒其勤來旬于蜀在晉文翁專化金馬銘刀菑侯峻刑
水牛餽粟兼瓊水利實德孚民鄭國戰勛辰心格物前喆
遺徽扶搖可接公學甚正稟命不融晷鏗夜沈鶴關豔掩

壁碎符采劍匿光芒何處池臺誰家風月婆羅枯樹旌節
殘花相杵輟春鳴機罷織青鳥墓遠白馬山高祇奠椒醕
伏惟尚饗

祭亾弟洵漳文

歲在壬戌之六月余宰玉屏長日爰爰官衙無事倦甚午
寢夢至涼州之海藏寺游人如蟻見亾二弟洵三弟漳在
柳下褰衷急呼來前則衣布衫面瘳淺顚顚然若不憚者
市糕餅與之卻不受彊與之復不食問曰爾何以形狀如
此得毋患瘵乎噤不嚙余色怒二弟則不顧而行余尾之
行逾速轉瞬至一邨二弟偕奔余亦追逐則入夾道兩壁

高十餘丈中僅容一人至轉角處忽不見則擗膺頓足大
哭而醒淚茺蘭盈枕席矣急飭廚人具肉飯備楮幣爲文
以祭之其辭曰

久潛靈於厚夜兮何曠野以偕行太桺隍而延佇兮水汨
瑟以咽聲余夢游於故土兮忽覩覩以相覩何魑服之蘭
單兮何形容之臍苦持糗糲而不嚙兮與款譚而不答目
瞠視而膜然兮若秦越人之不合勃焉貶顏兮怪爾顙頑
掬手東驚兮不與偕還遂擗衣而逐之兮恨足力之躓踈
乃遁跡於甬道兮中狹窈而曲歆尚聞衣襟之碎縹兮儵
忽沒於埃壙腸斷肝摧兮大呼無奈痛極而覺兮淚盈枕

角白日荒荒兮午雞喔喔祝猷劌而酒斟兮冀魂魄之來
臨與君爲兄弟兮詎人鬼之殊心羈墨綬於邊荒兮效卓
魯之循良遵衡途之繹騷兮想萬里之高堂旣甘旨兮久
闕復音容兮曠謁悔子職兮不脩何依戀兮簪笏願救水
兮承歡誓將去乎此官果地下兮不樂再入夢兮爲我殫
聊雪涕兮言懷或陰陽之不乖嗟予季兮何往悲千秋兮
長埋

責文

責黃生金臺文

夫經箸青烏乃地師之瞽說山高白馬實愚子之蓬心是

以父墓不知仲尼無傷於聖佳城自掘陶侃反佐於公可
見心地之宜培而冢訟之當息也生旣未讀書又不明理
罔散根源之誼輒起鼠雀之爭本宜懲乃冬烘施之夏楚
特愍其錮蔽啓乃端倪遣吏爲圖按墻量尺俾遷舊碑於
竹海准太新觸於鹿皮可謂公平詎有偏護又復證今援
古祛惑釋疑自可鵠革響於桑椹殯藏牙於櫨笠而居心
不恕負氣求勝頭未二毛偏知冢中之枯骨竅纔一孔輒
議地下之游魂豈能呼李娥以重生返干慶於已殯乎且
詆錄供者受賕旣捕風而捉影復訕有司之庇吏實狂吠
而癩鳴得不把黃卷而汗顏循青衿而赭色哉夫損人利

已旣必降於鬼神移東作西情又類於蝸蝓况恃符以健
訟故違卧脾敢慢上以肆懷應禡盤帶如其默而息也或
無趙盾之書倘再起而爭之定叩原壤之杖尚冀悔過愼
毋怙終

責子文

噫嘻阿奴爾何帝愚我生勤劬我遇艱虞爾乃連蕩亦知
之乎叔父虺虺致家坎圻食厭糟糠衣敝袒裸不恥者誰
佼佼爲我幼鄙脂韋長朵葑菲君子獎許小人訾誹不甘
棟樑勇如茲飛仕未之顯才何由展惟廉劉芻惟惠扶蹇
不尚突梯深懲劫輒疾惡過嚴恐壬怨嫌銅行不變所志

其疎歸來囊洗誰以利鹽數椽甕牖幾杯茅酒吟詩魏三
讀書歐九聊以永年庶幾昌後何宣髮之將禿乃遇爾之
不淑眎典籍其如仇甘無能以粥粥不觀獨鹿之披文兮
不覩頑石之韞玉而徒冠其首襲其手囚其口聽良誨而
藐藐爲妨苗之稂莠萬卷之書莫予爲守噫嘻阿奴爾宜
圖其可久天隆隆以左旋地鈴鈴以右轉水不腐兮周流
樞不朽兮關鍵人竄情而尸居若僵蠶之縛繭爾何爲乎
錮蔽險其情而行贅曠日月其如馳任家世之陵替胡不
以書爲醫以字爲藥以古爲鏡以友爲錯捐其瑕癥振其
魂魄儻不早寤吾又何託